



Komiti ya Tshebetso ho tsa Basadi, Batjha le Batho ba sa Itekanelang e mema ditho tsa setjhaba le mekgatlo ho thonya bonkgetheng ba loketseng hore ba hirwe ho sebetsa ho Komishine ya Tekano ya Bong jwalo ka Dikomishinara tse filweng matlataelo ke Molao wa Komishine ya Tekano ya Bong wa 2013. Bohle ba kopang mosebetsi ba tla hloka ho tlatsa foromo ya google e websaeteng ya Palamente <https://forms.gle/L8kYFioMup8vxVs46> kapa ka WhatsApp ho 083 709 8472. Kaofela ba kopang mosebetsi le ba thonngweng ba hloka ho kenya dikhophi tse netefaditsweng tsa nako e sa feteng dikgwedi tse 6 tsa Tokomane ya Boitsebiso le mangolo a thuto.

Lenane la bonkgetheng le dinalane tsa bona di tla phatlalatswa websaeteng ya Palamente ho dumella ditho tsa setjhaba ho hlahisa maikutlo ka tshwaneleho ya bonkgetheng ya hirelwaa mosebetsi oo. Phatlalatso ya dintlha tse amanang le bophelo ba bonkgetheng di tlameha ho sebetswa ka molao le ho bolokwa ka mokgwa o sireletsehileng. Bonkgetheng bohole ba kgethetsweng ho tla etswa inthavu ba tla hlahlojwa pele ba qala ho sebetsa ke Ejensi ya Tshireletso ya Mmuso le ho netefatswa ha mangolo a thuto ke Lefapha la Mehlodi ya Basebetsi la Palamente. Dikopo tsa mosebetsi tsohle di tla ba motjheng le Molao wa Tshireletso ya Dinthla tsa Motho wa 4 wa 2013, le Molao wa Kgiro ka Tekano wa 55 wa 1998.

Mopresidente o tla, ka kgothaletso ya Palamente, hira setho ho Komishine bakeng sa nako ya ofisi e sa feteng dilemo tse hlano. Ditho tsa Komishine di ka hirwa jwalo ka basebetsi ba nako e tlotseng kapa ba nakwana. Motho ofe kapa ofe, eo nako ya hae jwalo ka setho sa Komishine e seng e fedile, a ka hirwa hape bakeng sa nako e ekeditsweng.

Bonkgetheng ba tlamehile ho ba baahi ba Afrika Borwa e leng batho ba itekanetseng le ba loketseng bakeng sa ho hirwa ho Komishine mme e le ba hlahang ho ditjhaba tsa Afrika Borwa ka bophara, ba nang le rekoto ya boitlamo phahamisong ya tekano ya bong mme ba na le tsebo e sebetsang ya/le phihlello ditabeng tse amanang le dipehelo tsa Komishini.

Dithonyo di tlameha ho ba le lebitsa ka botlalo, aterese/aterese ya imeile le dintlha tsa boikopanyo tsa motho kapa mokgatlo o etsang thonyo, kamohelo ya thonyo e saennweng ke mothongwa le ya thonyang.

Foromo ya kopo ya mosebetsi e nang le ditokomane tse hlokehang le yona e ka romellwa ho Modulasetulo ho aterese e latelang:

Mofots CN Ndaba, MP

Modulasetulo wa Komiti ya Tshebetso ho tsa Basadi, Batjha le Batho ba Itekanelang
c/o: Ms N Nobatana,

Mongodi wa Komiti: PC ho tsa Basadi, Batjha le Batho ba sa Itekanelang
90 Plein Street, 3rd Floor, Parliament, 8001

Letsatsi la ho qetela la dikopo tsa mosebetsi ke la 07 February 2024.

Dipatisiso: Mof Neliswa Nobatana (Mongodi wa Komiti), selefoune: 083 709 8472,
imeile: cgenominations@parliament.gov.za (bakeng sa dithonyo feela)

E hlahisitswe ke Mofots CN Ndaba, MP, Modulasetulo wa Komiti ya Tshebetso ho tsa Basadi, Batjha le Batho ba sa Itekanelang